



«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական
աշխատողների մասնագիտական կարողությունների և
հմտությունների զարգացման» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Ինտեգրված պարապմունքների կազմակերպումը
կարողունակաին կրթական մոտեցման
համատեքստում

Դաստիարակ՝ Արևիկ Եսայան

Մանկապարտեզ՝ «Կողբի թիվ 2 մուր-մանկապարտեզ» ՀՈԱԿ

2023թ.

Բովանդակություն

Ներածություն-----	2
Տեսական մաս	
Գլուխ 1-----	4
Գլուխ 2	
Հետազոտության ընթացքը-----	8
Եզրակացություն-----	13
Գրականության ցանկ-----	14

Ներածություն

Կրթական համակարգում շարունակաբար կատարվող բարեփոխումները պահանջում են նոր մեթոդոլոգիական մոտեցում կազմակերպչական և բովանդակային նշանակության խնդիրների լուծման ժամանակ, որը կնպաստի կրթության որակի բարձրացմանը: Ժամանակի պահանջները պարտադիր են նախադպրոցական հաստատությունների աշխատակիցներին՝ ուսուցման և տեղեկատվության նոր ձևերի որոնման համար:

Տարեցտարի կատարելագործվելով, ավանդականին փոխարինում են ինտերակտիվ մեթոդներ, որոնց կիրառումն ավելի արդյունավետ է դառնում հատկապես ինտեգրված պարապմունքներ կազմակերպելիս:

Ինտեգրված զբաղվածության համակարգը ներառում է որոշակի թեմաների էությունը բացահայտելու ընդունակություններ, կիրառելով այն մի քանի գործողություններ, որոնք փոխկապակցված են և լրացնում են իրար:

Նույն բովանդակության պարապմունքները երեխաների համար լինում են հոգնեցուցիչ: Նրանք կորցնում են հետաքրքրությունը տվյալ թեմայի նկատմամբ: Դաստիարակի նպատակն է, պարապմունքների հիմնական նյութից չչեղվելով, թեմայի նկատմամբ հետաքրքրասիրության պահպանումը: Վերջինիս լուծման միջոց է ինտեգրված պարապմունքը: Ուսումնասիրելով <<Ինտեգրված պարապմունքների կազմակերպումը՝ կարողունակահեն կրթական մոտեցման համատեքստում >> թեման, նպատակ ունեն ավելի խորը ծանոթանալ ինտեգրված աշխատանքի տեխնոլոգիային, որը թույլ է տալիս կատարել նախադպրոցական կրթության հիմնական խնդիրը՝ ապահովել երեխաների մտավոր, սոցիալական ֆիզիկական, հուզական և գեղագիտական ոլորտների ներդաշնակ և համակողմանի զարգացումը: Ավելի խորը ուսումնասիրել և ծանոթանալ նախադպրոցական դիդակտիկայում լայն տարածում գտած ինտերակտիվ մեթոդները և այն իրականացնել պրակտիկ աշխատանքում՝ ուսուցման արդյունավետությունը բարձրացնելու նպատակով:

տեսակի գործողությունների ինտեգրմամբ ,կարճ ժամանակահատվածում հասնել իմ առջև դրված նպատակին ,որը թույլ չի տալիս ծանրաբեռնել երեխաներին և ավելի շատ ժամանակ թողնել այլ գործողությունների համար,ինչպիսիք են զբոսանքն ու բացօդյա խաղերը:Բացի դրանից սա դրական ազդեցություն է ունենում ուսման շարժառիթների վրա,քանի որ ինտեգրված օկուպացիան նախատեսում է երեխաների մեջ ակտիվ ներգրավվածություն ,խաղալ այն տարրերի միջոցով ,որը հայտնի է որպես նախադպրոցականի առաջատար գործունեություն:

Գլուխ 1

<<Երեխան ունի տեսնելու, մտածելու, զգալու իր հատուկ ունակությունը: Չկա առավել անմիտ բան, քան նրանց այդ ունակությունը մերով փոխարինելու փորձը>>:

Ժան Ժակ Ռուսո

Ուսուցման կազմակերպման ավանդական ձևերը պարբերաբար մշակվում և կատարելագործվում են: Ուստի կարևորվում է միջառարկայական կապերի ստեղծումը: Այդ խնդիրը լուծում է ստանում ինտեգրված պարապմունքների միջոցով: Փորձը ցույց է տալիս, որ փոխներգործուն մեթոդների կիրառումը նախադպրոցական տարիքի երեխաների համար պարապմունքները դարձնում է հաճելի, զվարճալի և արդյունավետ՝ հատկապես, եթե դրանք անցկացվում են կերպարվեստային միջոցների և երաժշտության զուգակցմամբ: Այստեղ կարևոր է նաև այն, որ ուսուցման գործընթացին մասնակցում են տվյալ տարիքային խմբի բոլոր երեխաները:

Ինտեգրված ուսուցման նպատակն այն է, որ ուսումնական գործընթացում երեխան ոչ թե պետք է նստի, լռի, լսի, երբեմն էլ խոսի, այլ առավելապես պետք է գործի, մասնակցի և պատասխանատվություն ստանձնի: Մենք խնդիր ունենք ուսուցումը դարձնել աշխատանքային գործընթաց, հակառակ դեպքում փոքր տարիքից երեխաների մեջ սերմանում ենք ծուլություն և անպատասխանատվություն: Ինտեգրված գործունեության ընթացքում ակտիվորեն զարգանում են երեխայի հոգեկան գործընթացները: Նրանք սովորում են համագործակցել հասակակիցների հետ: Բարձրանում է երեխայի ինքնագնահատականը, հնարավորություն է ստեղծվում ճանաչողական գործընթացը դարձնել իսկապես հազեցված: Դա օգնում է

երեխաներին բացահայտելու իրենց ուժեղ կողմերը, ստեղծագործական ունակությունները, բավարարելու հետաքրքրությունները: Նման պարապմունքները

կարող են անցկացվել ինչպես ենթախմբերով ,այնպես էլ ամբողջ խմբի հետ՝ ըստ պարապմունքի նպատակի ,տեսակի և ուսումնական նյութի:

Կարևորվում են պարապմունքների տեղի և ժամանակի ընտրությունը, դրանց անցկացման ձևերը, ուսումնական զարգացնող միջավայրը: Դրանք օգնում են երեխաներին այս կամ այն գործունեության ընթացքում առավելագույնս տրամադրվելու դաստիարակի կողմից առաջադրվող նյութի ընկալմանը:

Ուսուցման ընթացքում դաստիարակը հաշվի է առնում երեխաների անհատական տվյալները, այսինքն՝ յուրաքանչյուր երեխա հնարավորություն է ստանում ուսումնական նյութը յուրացնել ըստ իր հոգեկան զարգացման ,խառնվածքի և ընկալման կարողությունների : Երեխաների նկատմամբ անհատական մոտեցումը բացառում է ուժեղների և թույլերի միջև հակասությունների առաջացումը և խորացումը: Ավելի բարդ առաջադրանքներ հանձնարարվում են ուժեղներին, այդ դեպքում չի արգելակվում նրանց զարգացումը և միևնույն ժամանակ միջին և թույլ հնարավորություններով երեխաների համար ուժերը փորձելու ,ինքնուրույն քայլեր անելու պայմաններ են ստեղծվում: Այսինքն՝ յուրաքանչյուր երեխա ազատ ընտրության և անհատական զարգացման հնարավորություն է ստանում ; Այս պարագայում նպաստավոր պայմաններ են ստեղծվում նաև հատուկ կարիքներ ունեցող երեխաների համար:

Ինտեգրված պարապմունքների հիմնական խնդիրներն են՝

-Երեխայի համակողմանի դաստիարակությունը, կոնկրետ առարկաների մասին ամբողջական պատկերացումների ձևավորումը:

-Տարբեր հասկացությունների ինտեգրմամբ գործունեության տարբեր ձևերում երեխային ընդգրկելը:

-Ինտեգրված պարապմունքներն արդյունավետ են ,երբ անցկացվում են խաղային, ժամանակակից մեթոդներով : Ըստ Մոնտեսորիի՝ « Այն խաղը, որը

ուսուցանող չէ՝ դատարկ խաղ է>>: Ուսումնական գործընթացում խաղն ու պարապմունքները պետք է հանդես գան միաժամանակ՝ լրացնելով միմյանց:

Ինտեգրված պարապմունքները հնարավորություն են տալիս կիրառելու ուսուցման ինտերակտիվ մեթոդներ: Աշխատելով փոքր խմբերով, համագործակցելով հասակակիցների հետ, յուրաքանչյուր երեխա գտնվում է բավականին շահեկան և բարենպաստ պայմաններում: Այսպես՝

- Համագործակցելով հասակակիցների հետ, նա ավելի արագ է ինտեգրվում:

- Նույն ժամանակահատվածում խմբի բոլոր երեխաները զբաղված են:

- Համագործակցության ընթացքում բարձրանում է երեխայի ինքնագնահատականը:

- Երեխան հնարավորություն է ունենում ազատ ինքնաարտահայտվելու:

- Ակտիվ աշխատում և զարգանում են թե՛ օժտված երեխաները, թե՛ թույլ կարողություն, թե՛ առանձնահատուկ պայմանների կարիք ունեցող երեխաները:

- Երեխաները հնարավորություն են ունենում սովորել սեփական սխալների վրա:

- Ուսումը վեր է ածվում հաճելի համագործակցության:

Ժամանակակից մանկավարժական գրականության մեջ տարբերվում են ինտեգրված պարապմունքի հետևյալ տեսակները;

- միջառարկայական (երկու առարկաների միջև՝ օր.մաթեմատիկա, ապրիկացիա)

- բազմառարկայական (երկուսից ավելի առարկաների միջև՝ օր.մաթեմատիկա-կառուցողական-երաժշտություն):

Ինտեգրված ուսուցման ծրագրերը կազմվում են այնպես, որ մի առարկայից գիտելիքները հիմնվում են մեկ այլ կամ մի քանի առարկաներից վերցրած գիտելիքների վրա: Սակայն ինտեգրումը տարբեր առարկաներից գիտելիքների տարանջատված միավորում չէ, այլ սերտորեն փոխկապակցված ամբողջություն: Ժամանակակից ինտեգրված պարապմունքներին ներկայացվում են հետևյալ պահանջները

.Նոր մեթոդների կիրառում

.փոխազդեցություն, փոխուսուցում

.երեխայի ակտիվություն

.համագործակցություն

.ինքնաարտահայտման խրախուսում

.հետադարձ կապ և այլն:

7

ԳԼՈՒԽ 2

Հետազոտության ընթացքը

Երեխաների օրվա կանոնակարգում իրենց կարևոր տեղն ունեն պարապմունքները,որի ընթացքում երեխաները ձեռք են բերում որոշակի գիտելիքներ:Պարապմունքները պետք է ներառվեն օրվա աշխատանքներում այնպես ,որ անցումը երեխայի գործունեության մյուս ձևերին լինի բնականոն,տրամաբանական,սահուն և հիմնավորված:Շատ կարևոր է ճիշտ որոշել ,թե որ թեմաներից կարելի է կազմակերպել ինտեգրված պարապմունք,որտեղ կարող ենք պահպանել միջառարկայական կապեր,և որն է մեր պարապմունքի գլխավոր նպատակը:Երբ որոշված է ընդհանուր նպատակը,արդեն առարկաների բովանդակությունից ընտրում ենք այն տեղեկությունները ,որոնք անհրաժեշտ են նպատակին հասնելու համար:Ինտեգրված պարապմունքները կարող են ծառայել նաև որպես ամփոփիչ պարապմունք:Ավելի հաճախ հարկավոր է դրանք օգտագործել որպես ամենօրյա պարապմունք:

Վերջին չորս տարիները աշխատում եմ որպես օրվա երկրորդ կեսի դաստիարակ:Բայց քառասուն երկար տարիներ աշխատել եմ որպես առաջին հերթի դաստիարակ:Ինտեգրված պարապմունքներ անց եմ կացրել վերջին տասը տարիների ընթացքում:Նախքան պարապմունք անցկացնելը որոշում էի

-ինտեգրված պարապմունքի անցկացման դրդապատճառներն ու նպատակները

-ինտեգրման ձևերն ու մեթոդները

-նյութի հաջորդականության կառուցվածքը

-նյութի ներկայացման միջոցները

8

-կազմում պարապմունքի պլանը և որոշում տևողությունը,խմբասենյակի դասավորությունը:

Հատկապես աշխատանքային կենտրոններում աշխատելիս,խմբասենյակը նախապատրաստել եմ այնպես,որ երեխաները հեշտությամբ աշխատեն մեծ և

փոքր խմբերով :Ցանկալի է,որ նստելու դիրքը կամ աթոռների դասավորությունը նպաստեն դրան:Աշխատել եմ ԽԻԿ համակարգով: Ինտեգրված պարապմունքների ժամանակ ինձ օգնում էր դաստիարակի օգնականը(ով նույնպես ունի մանկավարժական կրթություն), երբեմն էլ փոխարինող դաստիարակս:

ՄԻՋԻՆ ԽՈՒՄԲ

Թեման -հեքիաթի վերապատմում՝ռուսական ժողովրդական հեքիաթ « Պալատիկը»

Ծրագրային բաղադրիչը-ԽՁ+ՄՏՊ+ԿԿԱ+ԻՇԱ

Տեսակը-ինտեգրված պարապմունք 25-35 րոպե

Նպատակը-ստեղծել պայմաններ քերականորեն ճիշտ խոսք կառուցելու համար:

-Խոսող քարտի օգնությամբ նկարագրի տրված կենդանուն(արջ,նապաստակ)

-երկրաչափական պատկերներով ստանալ կենդանի և նշել,թե քանի պատկերից է ստացել(արջ,մուկ,նապաստակ)

-հաշվել քարտի վրա եղած կենդանիների քանակը և դնել համապատասխան թվանշանը

9

-նկարել և ծեփել հեքիաթից իրենց դուր եկած կենդանուն:Ընտրել և գունավորել սիրած կենդանու պատկերը

Վերջնարդյունք-վերապատմի լսած հեքիաթը՝պահպանելով մայրենի լեզվի հնչյունների ճիշտ արտասանությունը և խոսքի քերականական կողմը:

Կարողանալ հորինել նոր ավարտ:

Կարողունակություններ-լեզվական և հաղորդակցական կարողունակություն
Ճանաչողական և մոտիվացիոն կարողունակություն

Մաթեմատիկական և տեխնիկական կարողունակություն:

Անհրաժեշտ նյութեր -Մագնիսական գրատախտակի
պերսոնաժներ՝կճուճ,մկնիկ,գորտ,նապաստակ,գայլ,աղվես,արջ:
Ընտրության վահանակ,խոսող քարտեր,կենդանիների նկարներ՝եզրագծով
պատկերված սպիտակ թղթին:Մկնիկի ,արջի,նապաստակի կտրված մարմնի
մասեր՝երկրաչափական պատկերների տեսքով:Կերպարվեստային
պարագաներ՝պլաստիլին,տակդիրներ,գունավոր մատիտներ և այլն:Խոշոր
կառուցողական նյութեր:

Ընթացքը- խթանման փուլ

Հրավիրելով երեխաների ուշադրությունը՝ասել
-Երեխաներ,երեկ երեկոյան ,երբ բոլորդ արդեն տուն էիք գնացել մեր
մանկապարտեզ հյուր էր եկել:Նա մեզ մի անակնկալ է արել:Տվել է այս
ծրարը,բայց խնդրել է ծրարը բացել միայն այն դեպքում,երբ կկարողանանք
լուծել իրեն առաջարկած հանելուկը:

-Կա մի հեքիաթ զարմանալի ,
Հերոսները վեց կենդանի՝
Բույն են դրել կճուճի մեջ
Դրսում մնաց բրդոտը խեղճ,
Ելավ նստեց կճուճի գլխին
Քանդեց տունը մյուսների:

10

Այո՛,«Պալատիկ»հեքիաթն է:Ծրարից հանել պատկերազարդ գիրքը:
գիրքը:

Իմաստի ընկալման փուլ

Պատմել և ցուցադրել ոռուսական ժողովրդական «Պալատիկ»հեքիաթը:Ապա
առաջարկել հետևյալ հարցերը
-Որտե՞ղ էր գտնվում կճուճը:

-Ո՞վ առաջինը սկսեց ապրել պալատում:

-Է՞լ ովքեր ապրեցին այնտեղ:

-Ի՞նչ արեց արջը:

Այնուհետև իրար շարունակելով վերապատմել հեքիաթը, ապա հարցնել.

-Եթե արջը չբարձրանար տանիք և չկոտրեր, որիչ ինչ կլիներ: Ուրիշ ինչ ավարտ կարող եք հորինել:

Ֆիզ. դադար

Այնուհետև բացատրել, որ աշխատելու են աշխատանքային կենտրոններում և յուրաքանչյուր կենտրոնում ինչ աշխատանք են կատարելու.

-Բնագիտության կենտրոն՝ խոսող քարտի օգնությամբ պատմել արջի, նապաստակի մասին:

-Մաթեմատիկայի կենտրոնում երկրաչափական պատկերներով ստանալ մկնիկ, աղվես: Նշել՝ թե ինչ պատկեր են օգտագործել և քանի պատկերով են ստացել:

Հաշվել, թե քարտի վրա յուրաքանչյուր կենդանուց քանի հատ կա և դնել համապատասխան թվանշանը:

-Շինարարության կենտրոնում կառուցել նոր «պալատիկ»:

-Արվեստի կենտրոնում ծեփել և նկարել հեքիաթից իրենց սիրած կենդանուն: Գունավորել գորտի պատկերը:

Ընտրության վահանակի օգնությամբ երեխաները ընտրում են իրենց ցանկացած կենտրոնը, սկսում աշխատել և ներկայացնել իրենց

11

աշխատանքները:

Կշռադասարան փուլ

Կանգնել շրջանաձև: Գնդակը զգելով երեխաներին հարցնել-դուր եկավ կենդանիների որոշումը

-Ո՞ր կենդանին ամենից շատ ձեզ դուր եկավ:

Տնօրենի դիտարկումը

Պարապմունքը պլանավորված էր, ձևակերպված էր պարապմունքի թեման, նպատակը, քայլերը և վերջնարդյունքները: Քայլերը բխում էին սահմանված նպատակից, փոխկապակցված էին: Դաստիարակը մոտիվացիա էր ստեղծում սաների մեջ և խթանում նրանց հետաքրքրությունը, պարապմունքի ընթացքում պահպանվում են բոլոր փուլերի սահուն հերթագայումները: Դաստիարակն ապահովում էր հետադարձ կապ յուրաքանչյուր սանի հետ և սանի ներգրավվածությունը պարապմունքի ընթացքում: Հարգանքով է վերաբերվում բոլոր սաներին, արձագանքում է սաների կարիքներին: Դաստիարակի և սաների կողմից ապահովվում էր դրական հուզական միջավայր պարապմունքի ընթացքում: Դաստիարակը հասավ իր նպատակին և տեղավորվեց ժամանակի մեջ:

12

Եզրակացություն

Այսպիսով՝ինտեգրված պարապմունքը, դա գործունեություն է, որն ուղղված է որոշակի թեմայի ամբողջական էության բացահայտմանը, տարբեր տեսակի գործունեության միջոցով, որոնք համակցված են գործունեության լայն տեղեկատվական դաշտում՝ փոխադարձ ներթափանցման և հարստացման միջոցով: Ինտեգրված պարապմունքի կառուցվածքը պահանջում է հատուկ

հստակություն, մտածված և տրամաբանական փոխկապակցվածություն տարբեր առարկաներից նյութերի թեմայի ուսումնասիրության բոլոր փուլերում:

Ինտեգրված մոտեցումը համապատասխանում է նախադպրոցական դիդակտիկայի հիմնական պահանջներից մեկին. կրթությունը պետք է լինի փոքր ծավալով, բայց տարողունակ:

Ինտեգրված պարապմունքներում ապահովվում է երեխաների գործունեության տարբեր տեսակների առկայությունը՝ համատեղելով տարբեր ոլորտների գիտելիքները:

Գրականության ցանկ

1. Մանկապարտեզի միջին խմբի (4-5 տարեկանների) կրթական համալիր ծրագիր Երևան 2011

2. Ինտեգրված պարապմունքները՝ որպես ուսուցման արդյունավետությունը բարձրացնելու միջոց: Լիանա Վերոյան «Նախաշավիղ» N8 2012թ

3. Նախադպրոցական կրթական հիմնական ծրագիր միջին խումբ. Երևան 2023

